



In dumënia ai 10 de October él gnü sughé la sesta partida dl campionat 2010/2011 de 3° categoria por La Val. La partida é gnüda sugada in cíasa cuntra le Frenzensfeste (scuadra che á indô tut pert al campionat de 3° categoria in chësc ann, do che ai é stá fora i ultimi agn). La partida è jüda fora 2 a 2. I dui goi di avversarsc é indô gnüs fac sön rigori, sciruan insciö demez dui punç che ess oghé por la tlassifica.

La partida á metü man bun por La Val, cun Max Nagler che röia sön en bel passaggio de Sottara Stefan cuntra le portier, mo le tiro bas y piazé röia söl palo. Florian Rubatscher éss albü l'opportunità da porté süa squadra in vantaje, en bel cros bas de Frenes Daniel ti röia bel avisa sön le pé, mo le tiro de prüma röia sura porta fora. Sciöche al é bele sozedü dles ulimes partidas, bel avisa canche La Val podess fa le goal, él i avversarsc che se porta in vantaje. En cross dl Franzensfeste vëgn ribatü dan defensur da La Val cun la man (dlungia le corp), en rigore che an pó dé y che an ne pó nia dé. Mo le arbiter fischieia por le rigore, Insciö se porta i ghesç in vantaje. Do da 10 min él Rubatscher Florian che fesc goal. Sön en bel tiro de Elzenbaumer Alex, che ti sciampa spo al portier, él Florian le plü scelto y röia le prüm sön la pala y pó insciö l'apogé te porta. La Val ciafa indô nöies forzes y röia plü iadi dan porta di avversarsc. Dan le prüm tēmp ti garetel ciamó a Frenes Daniel en "Eurogoal" da lunc, che röia bel avisa tl incrocio dla porta. Chësc bel goal porta La Val in vantaje por 2 a 1. Le prüm tēmp se stlüsc jö sön le 2 a 1 por La Val.

Tl secundo tēmp vá La Val te campo nia dër conzentrirt y insciö röia Franzensfeste al 2 a 2. En cross vëgn ribatü dan defensur da La Val cun les mans, l'arbiter fischia insciö por le rigore. Ala fin dl secundo tēmp proa ciamó La Val da davagné, mo les püces oportunités ne vëgn nia scfrutades bun dai atacanc. La partida se stüsc jö sön le 2 a 2.

Chësc punt davagné porta La Val al 5° post te tlassifca.

La formaziun titolara dla partida:



In cürt ciamó les sostituziuns dla partida:
al 65 Schuen Filippo por Rubatscher Florian
al 75° Verginer Franzi por Elzenbaumer Alex

Por ciaré ales foto dla partida clicca. [FOTO](#)

Por ciaré ala tlassifica y i resultać dles artres partides clicca. [Resultać y tlassifica](#)